



UGOVOR o javnoj nabavci akumulatora LOT-4

Ugovorne strane:

KJKP Sarajevogas d.o.o., Sarajevo, ul. Trg Fadile Odžaković Žute br. 4, Sarajevo
Koga zastupa: Direktor Preduzeća, mr.sc. Nihada Glamoč, dipl.ing.maš.,(u daljem tekstu: Kupac)

i

Kare d.o.o., ul. Trg heroja bb, Sarajevo
Koga zastupa: Direktor, Aida Karšić - Grabovica
(u daljem tekstu: Prodavac)

Član 1.

Predmet ovog Ugovora je nabavka akumulatora, po konkurentskom nadmetanju br.KN 05-08/19, prema Obrascu za cijenu ponude (Aneks III) LOT 4 i uslovima iz ponude Prodavca koja je sastavni dio ovog ugovora.

Član 2.

Ugovorna vrijednost robe iz člana 1. ovog ugovora bez PDV-a iznosi 3.420,00 KM (slovima: trihiljadečetiristinedvadeset KM), a jedinične cijene su specificirane u prilogu ovog Ugovora Obrascu za cijenu ponude (Aneks III) LOT 4 i čine njegov sastavni dio.

Član 3.

Prodavac će isporučivati akumulatore u roku od 3 (tri) dana od ispostavljanja narudžbenice, a prema Obrascu za cijenu ponude robe LOT 4, Aneks III, nakon zaključenja ovog ugovora. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu Kupca.

Prodavac se, takođe obavezuje na preuzimanje starih akumulatora Kupca i zbrinjavanje istih, a na osnovu Ugovora potpisanog između Kare d.o.o., Sarajevo i EKOMETAL d.o.o., Sarajevo po uslovima iz ponude.

Član 4.

Prodavac će obračun isporučene robe izvršiti, nakon isporuke iste, po jediničnim cijenama iz priloga ovom Ugovoru. Kupac će plaćanje izvršiti u roku od 30 dana nakon isporuke robe i ispostavljanja fakture. Uplate će se izvršiti na transakcijski račun naveden u fakturi Prodavca.

Član 5.

Kupac i Prodavac se neće smatrati odgovornim za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprječavaju jednu ili obje ugovorene strane.



Član 6.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 7.

Za svaki dan kašnjenja u isporuci robe Kupac će Prodavcu zaračunati penale u iznosu od 1% s tim da ukupan iznos penala ne može biti veći od 5% ukupne vrijednosti ugovora.

Član 8.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 9.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu sa otkaznim rokom od 30 (trideset) dana.

Član 10.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavke. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 11.

Na sve odnose i institute koji nisu navedeni u ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 12.

Ovaj Ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorena strana zadržava po 2 (dva) primjerka.

Član 13.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavaće nadležni sud u Sarajevu.

Za Prodavca:


Direktor, Aida Karšić - Grabovica



Za Kupca:

Direktor Preduzeća

Mr.sc. Nihada Glamoč, dipl.ing.mas

Izvršni direktor

Mr. Mehmed Mehović, dipl.oec.



Broj i datum ugovora, 212/19 27.2.2019

Broj i datum ugovora, 51/19 27-02-2019